

ՄՈՌԱՑԻԱԾ ԽՕՍՔԵՐ

(ԿՈՄՄ Լ. ՏՈԼՍՏՈՅԻ ՄՏՔԵՐԸ)

Ե. ՂԱԶԱՐԵԱՆՑԻ

I

Մեր ժամանակի ամենամեծ ռուս գրողը, որի նշանաւոր Крейцеровա Собака վէպը աշխարհի աղմուկ և խօսակցութիւն բարձրացրեց թէ ռուսաց մամուլի և թէ հասարակութեան մէջ, վերջին անգամ հրատարակեց էլի մի նշանաւոր լուրձ, որ դարձեալ շատ խօսակցութեան և մտածողութեան նիւթ տւեց մամուլին, իմ խօսքը՝ Լ. Տոլստոյի «Для чего люди одурманиваются?». վերնագրով փիլիսոփայական գրաւորքի մասին է։ Ռուսաց ազատամիտ մամուլը՝ երկար ժամանակ բողոքելով Տոլստոյի բռնած «վարդապետական» ուղղութեան դէմ, վերջ ի վերջոյ եկաւ այն եզրակացութեանը, որ ինչքան էլ միակողմանի և տարօրինակ մտքեր չալանէ հանճարեղ արւեստագէտ-վիպասանը, ինչքան էլ սխալ լինին նորա կարծիքները՝ գիտութեան և աշխարհայեցողութեան մասին, դարձեալ նորա հրապարակախօսական գործունէութիւնը մեծ օգուտ է տալիս ռուս հասարակութեանը և մամուլին՝ թէկուզ միակ այն բանով, որ Տոլստոյ «ղարթեցնում» և քննութեան առարկա է դարձնում շատ խորը բարոյական և փիլիսոփայական հարցեր... Տոլստոյի նման մի այլ ականաւոր տաղանդ— Շչէդրին, իւր մահւանից առաջ՝ փշեցրեց ռուս հասարակութեանը մի քանի «մոռացած խօսքեր» (забытые слова), որոնք են՝ ճշմարտութիւն, սէր, առաքինութիւն, հայրենասիրութիւն և այլն, ի հարկէ Շչէդրին բողոքովին այլ կերպ էր նախում այդ բարոյական հասկացողութիւնները վերաբերեց թէ Տոլստոյ, բաց հետաքրքիրը այն է, որ այդ երկու ռուս հսկաներն էլ՝ հաւասարաչափ ուժով և տաղանդով՝ հարկաւոր են համարում՝ միեւնոյն ժամանակի և միեւնոյն պայմաններով մէջ, լիչեցնել մարդկութեանը, որ աշխարհիս երեսին սէր կալ, ճշմարտութիւն կալ, խիղճ

վալ, մարդասիրութիւն, հալրենասիրութիւն և այլ բարձր զաղափարներ կան, որոնք մոռացւած են այժմ, որոնք առ ոչինչ են համարուած՝ այժմեան գրական և հաշւադէտ դարում: Այս հանգամանքը ամենից հետաքրքիր և բնաորոշ է թէ մեր ժամանակի և թէ այդ երկու մեծ մարդոց վերաբերութեամբ: Եւ ճշմարիտ. ինչ է նշանակում ալս, որ մարդկութեան ամենաբնական զաւակները, դանազան հանդամանքներից օգուտ քաղելով՝ սեղադար աշխատում են բարձրաձայն քարոզել՝ ճշմարտութիւն, սէր, խիղճ, ազնւութիւն, առաքինութիւն... Ինչ է նշանակում ալս: Միթէ այդ մտքերը վաղուց քարոզւած, վերջացած չեն մարդկութեան համար, միթէ այժմեան քաղաքակրթւած կուլտուրական Նւրպան կարօտ է այդ տեսակ քարոզութիւնների, — ալս Նւրպան, որի զիտութեան և տեխնիկայի զարգացումը հրաշքներ է կատարում մարդոց առաջ, Այն ինչ Տոլստոյ՝ դարձեալ շարունակում է իւր քարոզութիւնները, դարձեալ և դարձեալ աշխատում է փշիցնել մարդկութեանը և իւր հալրենակիցներին, որ այդ զիտութիւնը, այդ տեխնիկան, այդ աշխարհանդէսները և աշտարակները (Էլֆէլեան) ոչինչ են, ոչինչ՝ համեմատելով ալս մեծ չարիքի հետ, որ տիրում է կեանքի մէջ, և այդ չարիքը ալս է. որ չը կալ սէր, չը կալ մարդասիրութիւն, չը կալ խիղճ, որոնք ազնւացնում, բարձրացնում և իսկական գեղեցկութիւն են տալիս մարդոց կեանքին:

Տոլստոյի, Ելէգրինի նման խոշոր անձնաւորութիւնները, որոնց վիշտը և ուրախութիւնը, մտքերը և տանջանքները՝ բոլորովին դուրս են իրանց անձնական, նեղ աշխարհի սահմանից, որոնք իրանց մէջ ամփոփում են միլիոնաւոր մարդոց պիտոյքները և հոգսերը, — այդ տեսակ ընդհանուրի կեանքով ապրող մարդիկ՝ մի մի կատարեալ ծանրաշափ կարող են համարել՝ մարդկային ազգի բարելաւութեան և երջանկութեան աստիճանը չափելու համար: Նրանց բողոքը հաւասար է միլիոնաւոր ամբոխի բողոքին, նրանց ուրախութիւնը, վիշտը, ցանկութիւնները և չղտերը, արտապատում են նոյն միլիոնաւոր բազմութեան պահանջները, կարիքը, վիշտը...

Եւ ինչպէս որ ծանրաշափի բարձրանալով, կամ իջնելով, դուշակւում է ապագայ եղանակը, ալսպէս էլ՝ այդ մեծ մարդոց զգալուն սիրտը գուշակում, նախատեսում է մարդկութեան ապագան, վաղօրոք տանջւում, կամ ուրախանում է այդ ապագայի տեսարանով: Ահա ալս է պատճառը, որ չը նախելով Լ. Տոլստոյի քարոզութեան ակներև մոլորութիւններին, չը նախելով ալս քաղմաթիւ հերքումներին և ընդդիմախօսութիւններին, որ ամեն կողմից թափւում են Տոլստոյի վերալ՝ թէ Ռուսաստանի և թէ նոյն իսկ արտասահմանեան գրողների կողմից՝ — դարձեալ նոյն իսկ վիճողները, նոյն իսկ նորա մտքերի և գաղափարների դէմ սաստիկ բողոքողները՝ չեն կարողանում արտասանել Տոլստոյի անունը՝ առանց խորը, ներքին հրկիւղածութեան և պատկառանքի:

Տոլստոյի հանճարը, նորա բարոյական խոր զգացմունքները և մտքերը,

Նորա հոգեկան ստեղծանքները, որ առաջ են գալիս ժողովրդի, ամբոխի ցաւերը մօտիկ դիտելուց և հասկանալուց—ալս ամենը ներշնչում են մարդու՝ ակամալ պատկառանք «ակամալ սէր և երկիւզածութիւն» դէպի Նա... Կարելի է չը համաձայնել Տոլստոյի հետ, կարելի է վիճել, բողոքել Նորա մտքերի դէմ՝ բալց չի կարելի անտարբեր մնալ դէպի Նա, չի կարելի հոգեպէս չենթարկւել Նորա բարոյական ուժի ազդեցութեանը։ Եւ ալդ բարոյական ուժը ոչ ալլ ինչ է, եթէ ոչ Նորա ընդունակութիւնը՝ հասկանալ ամբոխի ցաւերը, զգալ իւր ամբողջ հոգու զօրութեամբ՝ միլիոնաւոր բազմութեան առօրեալ պիտոյքները և թշուառութիւնը։ Եւ եթէ Տոլստոյ իւր ալդ բոլոր հոգեկան և բարոյական ուժերով հանդերձ՝ չի դադարում «սէր», «եղբայրութիւն», «խիղճ» քարոզել, եթէ Նորա լուսահատութիւնը ալն աստիճան է հասնում, որ Նա, լանուն բարձր քրիստոնէական սկզբունքների՝ սկսում է հերքել ալժմեան գիտութեան և քաղաքակրթութեան տւած պտուղները («ПЛОДЫ ПРОСВЕЩЕНИЯ») — ալդ նշանակում է, որ իրաւ, մեր ժամանակի մարդիկ չափազանց մոռացել են իրանց խիղճը, չափազանց ոտնակոխ են անում իրանց եղբայրսիրական և մարդասիրական պարտականութիւնները։ Այդ միեւնոյնը վկայեց և Շչէդրին, վիչեցնելով մարդոց՝ իւր նշանաւոր «Մոռացւած խօսքերը...» «Праворовались люди, оставили совести потерями» — ահա թէ ինչ էր գրում Շչէդրին՝ իւր կրկնքի վերջին տարիներում։ Ընկնելով «խղճի» ետեւից, ամեն կերպ աշխատելով մարդոց մէջ խիղճ վարթեցնել՝ Տոլստոյ վերջապէս տեսնում է, որ միալն քարոզութիւնով չի կարելի զարթեցնել մարդոց խիղճը, — և Նա սկսում է մտածել ալն բնական պատճառների վրալ, որոնք խլացրել, համարեա ոչնչացրել են մարդոց մէջ՝ խղճի առտւածալին ձալնը...

Նա մտածում, մտածում և վերջապէս գալիս է ալն եղբայրացութեանը որ մարդկալին խղճի ամենամեծ թշնամիները. ալն առօրեալ, տարածւած սովորութիւններն են, որ մենք անւանում ենք՝ ծխել և հարբել, կամ խմել։ Ոգեորւած իւր ալս Նոր մտքով՝ թէ Նա գտել է խղճի մեռցնող, խլացնող պատճառները՝ Տոլստոյ սկսում է գրել ալդ իւր միտքը, սկսում է ապացուցանել, որ ծխախոտը, գինին, արաղը, զարեջուրը, խաշխաշը, օպիումը, եթերը, մօրֆիումը և ալլ քեցեցնող, թմրեցնող, կամ թէ գրգռող նիւթերը, միակ և գլխաւոր պատճառներն են, որ քեցեցնում, թմրեցնում են մարդոց խիղճը... Իւր ալս միտքը Տոլստոյ ամփոփեց մի լօղւածի մէջ, որի վերնագիրն է. «Для чего люди одурманиваются?»: Եւ կաշխատեմ ծանօթացնել հալ ընթերցողին ալդ գրւածքի գլխաւոր կէտերի հետ։

II

Պէտք է ամենից առաջ նկատել, որ Տոլստոյի բոլոր վարդապետական-փիլիսոփայական գրւածքները չունին գիտնական բնաւորութիւն, թէև

ինքը չատ անգամ ալդ «տոնով» է գրում. նորա բոլոր մտքերը և եզրակացութիւնները հիմնւած են՝ իւր սեփական փորձերի և դիտողութիւնների վրայ, բոլորովին անկախ որ և է ուրիշ գիտնական, կամ փիլիսոփայական ուղղութիւնից. Նոյն եղանակով և նոյն ուղղութիւնով գրած է նաև մեղ հետաքրքրող շարագրութիւնը: Որովհետև ամբողջ լօղւածը գրած է խղճի մասին, խղճի արթուն լինելու, կամ խլանալու, մեռնելու մասին, ուստի Տոլստոյ նախ մի հոգեբանական որոշում է տալիս թէ՛ քնչ բան է խիղճը: «Դիաակցական կեանքի ժամանակ»—ասում է նա—«մարդ կարող է երկու տարբեր էակներ ճշմարել իւր մէջ. մէկը—կոյր, զգալական, միւսը—տեսնող, գիտող, հոգեկան: Կոյր, կենդանական էակը՝ ուտում, խմում, հանգստանում, քնում, բազմանում և շարժւում է, ճիշտ ալնպէս, ինչպէս որ շարժւում է՝ լարւած մեքենան: Տեսնող, հոգեկան էակը, որ կապւած է կենդանականի հետ, ինքը ոչինչ չի անում, այլ միայն դնահատում, քննում է կենդանական էակի գործունէութիւնը, ներդաշնակում, միանում է նորա հետ, երբ հասնում է նորա գործունէութեանը.—բաժանւում, դատւում է նրանից՝ երբ չի հաւանում նորա գործունէութեանը: Ահա ալդ տեսնող, դիտող հոգեկան էակին՝ Տոլստոյ անւանում է խիղճ: Սա նման է մի կողմնացուցի, որի սլաքը մի ծալքով ցուց է տալիս դէպի բարին, միւս ծալքով՝ դէպի չարը: Նրբ մարդու մէջ կենդանական, կոյր գործողութիւնները հաւանութիւն են գտնում խղճի կողմից՝ ալն ժամանակ խղճի սլաքը ուղիղ և անվրդով կանդնած է լինում. ալդ նշանակում է, որ մարդու խիղճը և գործերը ներդաշնակ են, համաձայն են իրար հետ: Իոկ երբ կենդանական էակի դործունէութեան ընթացքը դուրս է գալիս խղճի ցուց տւած ճանապարհից, ալն ժամանակ խղճի սլաքը սկսում է վրդովւել, դուրս է գալիս՝ իւր խաղաղ դրութիւնից, բաժանւում, դատւում է ալն ճանապարհից, որով սկսել է գնալ կոյր, անասնական էակը,—և ալտեղ սկսում է մարդու մէջ ալն սոռկալի գործողութիւնը, որ կոչւում է խղճի խալթոց, խղճի տանջանք... Այս դրութիւնը անտանելի է մարդու համար. մարդը չի կարող ալս հոգեկան երկպառակութեանը երկար դիմանալ և, ալդ պատճառով, անդադար աշխատում է՝ համաձայնութիւն կալացնել խղճի և անասնական էակի գործունէութեան մէջ. Նրկու միջոցով մարդ կարող է խղճի տանջանքից ազատւել, 1) իւր ներքին, անասնական գործողութիւնները և ձգտումները համաձայնեցնելով խղճի պահանջմունքներին հետ (սրան Տոլստոյ անւանում է нравственное просвѣщѣніе) և 2) պահելով, թաքցնելով իրանից՝ խղճի տանջանքները,—ապրելու, կեանքը շարունակելու նպատակով: Մարդոց ամբողջ կեանքը ալդ երկու գործողութիւններից է բաղկացած. ոմանք աշխատում են իրանց կեանքը և գործերը համաձայնեցնել խղճի հետ, աշխատում են միշտ հետեւել խղճի ձալին. իոկ ոմանք էլ, ընդհակառակ՝ խղճի տանջանքներից ազատւելու համար աշխատում են մոռանալ խիղճը, աշխատում են իրանք իրանց հաւատաց-

նեւ, որ իրանց կատարած գործերը բոլորովին արդար և համաձայն են
 խղճի պահանջներին, կամ թէ՛ չէ՝ ուղղակի աշխատում են խլացնել, մեղ-
 նել իրանց մէջ խղճի ձայնը... Ահա այս վերջին տեսակի մարդիկ որոնց
 մէջ խղճի գործունէութիւնը սաստիկ ուժեղ է, որոնք չեն կարողանում
 հասարակ միջոցներով դադարեցնել իրանց խղճի խալթը, ահա այս տեսակ
 մարդիկ Լ. Տոլստոյի կարծիքով զիմում են հարեցողութեան, ախի՛քն,
 արհեստական միջոցով թունաւորում են խղճի գործարանի,—ուղեղը,
 որպէս զի չը զգան նորա տանջանքները, որպէս զի կարողանան, ալի մե-
 ռացութեան մէջ՝ շարունակել իրանց կեանքը։ Սակայն ընթերցողը չը
 կարծէ թէ՛ Լ. Տոլստոյ ալստեղ խօսում է «արեցողներին» մասին, ինչպէս
 որ ընդունւած է հասկանալ այդ խօսքը.—«злѣ, оцурманываться»—նշանա-
 կում է՝ ենթարկւել որ և է խմիչքի, կամ ծխախոտի թամբաքուրի աղդե-
 ցութեանը, թէ կուզ որքան էլ թույլ և անհկատելի լինի այդ աղդեցու-
 թեանը։ Օրինակ՝ ծխախոտի գործածութեան նպատակը՝ իւր տեսակէտից՝
 բացատրելու համար, Տոլստոյ երկար օրինակներ է բերում կեանքից՝ թէ
 առօրեայ սովորութիւնների և թէ բացառիկ դէպքերի վերաբերեալ, Նա
 ուզում է ապացուցանել, որ մարդիկ՝ ծխախոտին զիմում են ալն ժամա-
 նակ, երբ զգում են որ և իցէ ներքին, հոգեկան տանջանք, ներքին ան-
 համաձայնութիւն,—երբ ուզում են խլացնել իրանց խղճի ձայնը, որ րո-
 ղւում է նրանց վատ արարքների դէմ։ Նորա „Рейцорова Соната“
 վէպի մէջ՝ հերոսը—Պոզդնիշով՝ իւր կնոջը սպանելուց լստոյ՝ գնում է իւր
 առանձնասենեակը ե... ծխում է։ Գիւնու, օդի և ալ խմիչքների գործա-
 ծութեան մասին նոյնպէս շատ հետաքրքիր օրինակներ է բերում Տոլստոյ,
 Նա պատմում է թէ՛ ինչպէս մի խոհարար, որ ուղեցել է սպանել իւր
 տիրուհուն, չի կարողացել այդ գործը կատարել, մինչև որ խմել է երկու
 բաժակ օդի. օդի աղդեցութեան տակ՝ խոհարարը սպանել է իւր տի-
 րուհուն, „Трезвому совѣстно“!—լսել է մի անգամ Տոլստոյ ժողովրդի բե-
 րանից և այդ խօսքերի մէջ գտնում է ալն գլխաւոր պատճառը, որ մար-
 դիկ զիմում են արեցողութիւն միջոցների։ Պատերազմի ժամանակ,—ասում
 է Տոլստոյ,—կրբ զինուորները սրերով պիտի կուեն, միշտ նրանց հարեց-
 նում են։ Սկաստապոլի պատերազմին՝ Ֆրանսիացոց զինուորները բոլորը
 հարբած էին։ Գիւնու, օդի և ծխախոտի գործածութիւնը շատ նպաստում
 է կանանց բարոյապէս ընկնելուն։ Նրեխաները, համարեա միշտ՝ ծխել
 սկսում են ալն ժամանակ՝ երբ նրանք կորցնում են երեխակական անմե-
 ղութիւնը։ Այս տեսակ բազմաթիւ օրինակներով Տոլստոյ աշխատում է
 ապացուցանել իւր միտքը, ուզում է ցուց տալ, որ զինին, արաղը, ծխա-
 խոտը և ալն՝ ալն տեսակ միջոցներ են, որոնցով մարդիկ կարողանում
 են թմրեցնել, խլացնել իրանց խիղճը, որպէս զի նա չբողբէ մարդկալին
 թերութիւնների և անիրաւ գործերի դէմ...

III

Ամենից շատ նշանակութիւն է տալիս Տոլստոյ՝ գինու, արաղի և, մանաւանդ, ծխախոտի առօրեայ, չափաւոր գործածութեանը, որ սաստիկ տարածւած է ալփման հասարակութեան մէջ՝ իբրեւ մի սովորութիւն, իբրեւ մի հասարակ և անշնաս պիտոյք։ Եւ որովհետեւ՝ թէ խմելը և թէ ծխելը՝ մեռցնում, խլացնում են մարդու մէջ խիղճը,—ուրեմն, ինչ սարսափելի հետեանքներ կարող է ունենալ ալդ,—հարցնում է Տոլստոյ, Եւ մանաւանդ՝ պէտք է աչքի առաջ ունենալ, որ ալդ չափաւոր խմելու և ծխելու սովորութիւնը մեծ մասամբ տարածւած է կրթւած, ինտելիգէնա կոչւած դասակարգի մէջ, ալն դասակարգի, որ առաջնորդող է հասարակական կեանքի բոլոր ասպարէզներում։ Ուրեմն դուրս է գալիս, որ հասարակական բոլոր գործերի ղեկավարները, մեծ մասամբ՝ դտանում են խմիչքի, կամ թամբաքի քնեցնող, հարբեցնող, թմրեցնող ազդեցութեան տակ,—թէ քաղաքական, թէ պաշտօնական, թէ գիտնական և թէ գրականական ասպարէզներում՝ Տոլստոյի ասելով՝ գործում են անառողջ, թմրած, հարբած մարդիկ... Իւր լօղւածի վերջը հետեւալ խորհրդածութիւնն է անում Տոլստոյ։

«Ահա ամբողջ տասնեակ տարիներ է, որ Եւրոպայի բոլոր ազգերը զբաղւած են նրանով, թէ ինչպէս մարդասպանութեան ամենալաւ միջոցներ հնարել և ինչպէս բոլոր հասակն առած երիտասարդներին՝ մարդասպանութիւն սովորցնել։ Ամենքը գիտեն, որ բարբարոսների չարձակումը երբէք չի կարող տեղի ունենալ, որ ալդ՝ Եւրոպական քաղաքակիրթ և քրիստոնեակ ազգութիւնների բոլոր սպանութեան պատրաստութիւնները՝ միմեանց դէմ են ուղղւած։ Ամենքը գիտեն, որ ալդ ծանր է, ցաւալի է, անչարմար է, աւերիչ է, անբարոյականութիւն է, անաստածութիւն է, չիմարութիւն է,—և ամենքը պատրաստւում են միմեանց սպանելու, ոմանք զանազան քաղաքական կոմբինացիաներ են անում՝ թէ ովքեր միասին պիտի միանան և ո՞ւմ սպանեն, ոմանք առաջնորդում են սպանութեան պատրաստողներին, միւսներն էլ՝ հակառակ իրանց կամքի, հակառակ խղճի, հակառակ առողջ դատողութեան՝ ենթարկւում են ալդ սպանութեան պատրաստութիւններին։ Միթէ լուրջ, առողջ դատողութեան տէր մարդիկ՝ կանգնին ալդ բանը։ Միայն հարբած և հարբածութիւնից երբէք աչք չը բացած մարդիկ ընդունակ են ալդ բանը անելու, միայն նրանք ընդունակ են ապրելու՝ կեանքի ե խղճի ալդ զարհուրելի հակասութիւնների մէջ, ինչպէս որ ապրում են միւս ամեն կողմով էլ՝ մեր աշխարհի մարդիկ»։

Սառնասիրտ ընթերցողը գուցէ ժպտալ ալս բոլորը կարդալուց չետու... Ի հարկէ՝ Տոլստոյի ալդ միակողմանի չափազանցութիւնները կարող են չատերի դէմքին ժպիտ չարուցանել։ Այո, Բալց միւս կողմից՝ ճրքան խորը, զրամառիկական տարր կալ նորա հանճարնդ մոլորութիւնների

մէջ, ի՞նչ է որոնում և թնչ է ուզում Տոլստոյ, ինչի՞ նա՝ թողած մի կողմ իւր ահագին գեղարեստական տաղանդը, թողած աշխարհի բոլոր վայելքները, բոլոր շլացուցիչ փառքը և պատիւը՝ հովևական զաւազանը ձեռքին՝ քարոզի պաշտօն է կատարում ժողովրդի մէջ, ի՞նչ է նրան սաիպողը՝ խորասուզել զուտ բարոյական խնդիրների մէջ, մոլորել, խճճել, հակասութիւններ անել...

Այդ բոլորի պատճառը՝ նորա խորը, զգալուն և մարդասէր սիրտն է։ Այդ սիրտն է, որ ստիպում է նրան զգալ կեանքի սարսափելի չարիքը, այդ սիրտն է, որ դրդում է նրան բողոքել՝ մարդոց անարդարութեան, անխղճութեան դէմ, այդ սիրտն է, որ հանգիստ չի թողնում նրան, որ անդադար նրան դրգուում է՝ որոնել, փնտրել մարդոց թշուառութեան պատճառները։ Տոլստոյի բարոյական ուղղութիւնը, նորա քարոզութիւնները՝— խղճի, մարդասիրութեան, եղբայրասիրութեան մասին՝ միւս կողմից ապացուցանում են թէ՛ որքան մոռացւած են ալփման հասարակութեան մէջ այն նշանաւոր «խօսքերը»—խիղճ, ազնւութիւն, եղբայրասիրութիւն, հարեանասիրութիւն և ալն,—որոնք, իբրև կտակ՝ աւանդեց իւր հայրենակիցներին Շչէդրին երգիծաբանը։